



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Vtrum Antichristus futurus sit secundùm sectam Iudæus? Sectio VII.

urn:nbn:de:hbz:466:1-39261

Deus, aut quod colitur. Et Dan. 11. Deum patrum suorum non reputabit, nec quenquam Deorum curabit, quia adversum universa consurget. Alia verò videntur conceptis verbis dicere futurum Antichristum idolorum cultorem, veluti Dan. 11. Deum autè Maoz in loco suo venerabitur, & Deum, què ignoraverunt patres eorum colet auro, & argento, & lapide pretioso. Ceterùm proculdubio fatendum est Antichristum omnia idola aboliturum, nullumque Deum passurum in orbe coli præter se: nam se tantum ab omnibus adorari faciet, idque manifestè docent duo priora testimonia: affirmantque Cyrill. Hierosol. catechesi. 15. D. Iren. l. 5. adversus hæreses c. 25. Hippol. martyr serm. de consummatione mundi. D. Hier. in c. 11. Dan. Et in epist. ad Galgasiã, q. 11. Theod. Oecumen. & Theoph. in comment. super. 2. ad Thessal. 2.

Ad locum Danielis 11. de Maozin, duplex est responsio. Vna Theodoret, qui existimat per Maoz in, ipsummet Antichristum intelligendum esse Deum, inquit, fortem potentem, (hoc enim significat Maozin) seipsum appellat, illud enim, in loco suo, pro seipsum, posuit: eriget enim sibi ipsi templum, & auro, & argento, ac lapidibus pretiosis ipsa exornabit. Cui expositio diu consentit verbum Hebraicum, ut plerique annotarunt. Altera est Lyrani, & aliorum, quæ videtur probabilior, respondentium Maoz in nomen esse proprium, significareque certum aliquem Dæmonem, quem Antichristus priuatim colet: cuius nimirum opera se videbit indigere ad signa sua, & prodigia perpetranda. Et quoniam in eo Dæmone præsidium omne suum collocabit, & perperabit illum sub nomine Maozin, quæ vox interpretatur, Fortitudines, ut Deus Maozin, idem sit, ac Deus fortitudinum, siue Deus fortissimus. Itaque Antichristus occultè quidem, & priuatim Dæmonem adorabit, eique eriget aram, construètque simulacrum in auro, argento, & lapide pretioso, publicè tamen omnia idola execrabitur, & euerter, seque vnum faciet ab omnibus adorari.

Vtrum Antichristus futurus sit secundum sectam Iudæus?

SECTIO VII.

Illud in primis pro certo statuendum, Antichristum simulaturum se esse Christum, siue Messiam, Iudæosque illum tanquam Messiam recepturos. Ita enim disertis verbis Christus prænuntiavit Ioan. 5. Ego veni in nomine patris mei, & non recepit me, si alius venerit in nomine suo illum recipietis. In eandem sententiam interpretatur D. Hier. illud Dan. 11. Simulabit se Ducem fœderis, id est, Messiam Principem fœderis, & testamenti Iudæorum. Idemque affirmant D. Irenæus l. 5. adversus hæreses c. 25. Cyrill. Hierosol. catechesi. 15. Hippol. Mart. orat. de consummatione mundi. Theod. in comment. super 2. ad Thessalon. 2. Et in Epitome Diuinorum decretorum c. de Antichristo. D. Hier. in epist. ad Galgasiã q. 11. Severus Sulp. in vita B. Martini l. 2. D. Hilar. canone 25. in Matth. D. Amb. lib. 10. in Lucam, D. Ioan. Damasc. lib. 4. fidei Orthodox. c. 28. D. Greg. lib. 31. Moral. c. 10. Cyrill. Alex. D. Chrysof. & D. August. in c. 5. Ioannis.

Secundò Simulabit se gentis Iudæicæ maximè studiosum, Iudæosque præcipuè colet, ut ipsi primi eum tanquam Messiam regemque recipiant, ut auctor est Cyrill. Hier. catechesi. 15. Hippol. Martyr, oratione de consummatione mundi. Et B. Ephr. Syrus tract. de consummatione seculi. Eamque ob causam Hebr. templum Hierosolymitanum instaurabit: quæ admodum testantur iidem Auctores loco citato & Rabanus Maurus tract. de Antichristo. Tertio, Illud obsequens est Antichristum futurum Iudæicæ legis cultorem, maximumque caeremoniarum legalium obseruatorem: quod ex eo perspicuum est, quia alii qui non poterit Iudæis insinuare:

D. Irenæus.
Dan. 11. 38.
Nullum
Deum præter
se coli patietur.
Antichristus
Cyril. Hier.
Hippolytus.
D. Hieron.
Theodoret.
Oecumen.
Theoph.
II.
Theodor.
Lyrani.
Certum Dæmonem priuatim colet.

I.
Messiam se
simulabit.
Antichristus
Cyril. Hier.
D. Irenæus.
Hippolytus.
Theod.
D. Hieron.
Severus Sulp.
D. Hilar.
D. Chrysof.
D. August.
II.
Cyril. Hier.
Hippolytus.
B. Ephrem.
Templum
Hierosolymitanum
instaurabit
in gratia
Hebræorum.
Raban.
Iudæicam legem
obseruabit.

nec enim Iudæi recipient hominem non circumcisum : & qui legem non seruet, sed potius contemnat. Ita docent D. Ambr. in cōment. super 2. ad Theff. c. 2. & Raban. Maurus tract. de Antichristo, qui conceptis verbis docent, Antichristū fore circumcidendū. De lege vero Iudæorum ab eo obseruanda, idem affirmant Cyril. Hieros. catechesi. 15. Seuer. Sulpit. li. de vita S. Martini, vbi ait Antichristū præcepturum esse, vt omnes secundum legem circumcidantur. Et D. Greg. li. 11. registri in dictione 6. c. 3. Veniens, inquit, in mundum Antichristus diem Sabbathi, & diem Dominicum ab omni iubebit opere custodiri : nam quia simulaturus est morise, ac resurgere : ideo diem Dominicum in veneratione haberi præcipiet : quia vero iudæizare populū cōpellet, vtriusque Mosaicæ legis reuocet, & Iudæorum sibi subdat perfidiam, diem Sabbathi obseruari coget. Hæc Greg. Verum hoc arbitramur in initio tantum facturū, postea enim rerū potitus nouas ipse legis nefarias promulgabit, omnem peccandi licentiam continentes, modò ipsum tanquam Deum omnes recipient. Quod enim tandem repudiaturus sit legem Mosaicam manifestè colligitur ex illis verbis Dan. 11. Deum patrum suorum non reputabit. Si enim Deum Israël non venerabitur, nec illius sane legem Iudæis olim datam, caremoniasque obseruabit.

Quodnam sit illud templū, in quo sessurus prædicitur Antichristus.

SECTIO VIII.

1. **E**O amentia simul, & impudentia veniet Antichristus, vt sibi tanquam Deo litari, hostiasque immolari præcipiat : imo & in templo Dei sedeat tanquam Deus, quemadmodum disertis verbis docet Paulus 2. ad Theffal. 2. Nisi reuelatus fuerit homo peccati, filius perditionis, qui aduersatur, & exollitur supra omne, quod dicitur Deus, aut quod colitur, ita vt in templo Dei sedeat, ostendens se tanquam sit Deus. Theodor. D. Chryf. Theoph. & Oecumen. in eum locum Pauli, nomine templi accipiuntur templa Christianorum, in quibus Antichristus se faciet adorari. Verum communis opinio est, Antichristum reedificaturum esse templum illud Hierosolymitanum in gratiam Iudæorum, in eoque sessurum tanquam Deū: sic enim tradunt Cyril. Hieros. catechesi. 15. D. Iren. l. 5. aduersus hæreses, c. 25, & 30. Hippol. Martyr. in orat. de consummatione mundi. D. Hier. in epist. ad Algisiam q. 11. D. Ambr. in 21. c. Luca, D. August. l. 20. de Ciuitate Dei, c. 19. Seuer. Sulp. l. 2. de vita S. Martini, D. Hilar. canone. 25. in Matt. D. Ioan. Damasc. l. 4. fidei Orthod. c. 28. Sedulius in comment. super 2. ad Theffal. 2. imo ipsemet Theodor. Chryf. Theophyl. qui aiunt Antichristum sessurum in Ecclesiis Christianorum, simul affirmant sessurum in templo Hierosolymitano. Itaque solus Oecumenius id negat, ea ductus ratione, quòd sola templa Christianorum, templa appellari possint, quæ tamen ratio non multum habet momenti.

Confirmatur eadem sententia ex c. 11. Apoc. vbi dicuntur Enoch, & Helias occidendi ab Antichristo, & eorum corpora iacitura in plateis ciuitatis magnæ: vbi & Dominus eorum crucifixus est. Ex quibus verbis manifestè colligitur Antichristū Hierosolymis regnaturum: vt postea dicemus. Atque adeo verisimile est, ibi Pauli prædictionem, de sessione in templo Dei, esse adimplendam. Porro templum hoc Hierosolymitanum, ab Antichristo instaurandum, ceterum templi nomine: tum propter templum illud antiquū Salomonis, quod representabit: tum quia more templi sacrificiis, & hostiis Antichristo immolandis inseruiet. At quid respōdebimus ad locum illū Dan. 9. vbi videtur significari templum Hierosolymitanum, nunquam